

广东通志

广东通志

廣東通志卷一百五十一

甲子重刊

建置略二十七

壇廟七

雷州府

海康縣

社稷壇元時建於郡西南三里明初遷於城西北
嘉靖二十五年知府林恕重修

國朝嘉慶二年知府陸維垣重修

府志

風雲雷雨山川壇舊在郡西南二里明嘉靖七年
知府楊表建於城西隅十六年知府林恕改建於
新城文富坊東城書樓舊址

國朝乾隆間又移於新城東迎洋門內嘉慶二年知

府陸維垣重修

先農壇在城東雍正五年建

厲壇舊在府治北明嘉靖二十五年知府林恕遷於迎恩亭

颶風壇舊在城東十里明嘉靖十七年知府洪富因颶風頻年煽害乃卽海岸爲壇祭之二十五年知府林恕遷於南渡渡頭後知府羅一鸞又遷於城北郊

關帝廟在府治北朝天街明洪武間指揮周蕭趙輿宋英創建成化嘉靖萬厯間屢有增修

國朝雍正三年增建後殿崇祀三代九年協鎮姚源

忠知府葉思華海康知縣黃廷鐸遂溪知縣劉延

恭徐聞知縣陸鐸暨合郡文武共捐重修乾隆四

十年知府楊長林重修嘉慶七年參將張士英二

十一年知府雷學海各重修

俱同上

城隍廟在府治東鎮寧坊宋延祐間建於元帥府

元因之明洪武五年建於學宮西嘉靖元年督學

魏校毀淫祠知府易綦卽元少觀改遷

黃志

顯震廟在州西南八里

輿地紀勝

又郡西南八里英榜

山有雷廟

府志

唐沈既濟雷民傳羅州之南二百里至雷州爲海康郡雷之南瀕大海

郡蓋因多雷而名焉其聲恒如在簷宇上雷之北高亦多雷聲如在尋常之外其事雷畏敬甚謹每具酒餼奠焉有以餽肉雜魚食者霹靂輒至南中有木名曰棹以煮汁漬梅李俗呼爲棹汁雜餽肉

食者霹靂亦至犯必響應牙門將陳義傳云義卽雷之諸孫昔陳氏因雷雨晝冥庭中得大卵覆之數月卵破有嬰兒出焉自後日有扣擊戶庭入其室中就於兒所似若乳哺者歲餘兒能食乃不復至遂以爲己子義卽卵中兒也又云嘗有雷民畜敗犬其耳十二每將獵必咎犬以耳動獲數未嘗五動一日諸耳畢動旣獵不復逐獸至海旁測中嗥鳴郡人視之得十二大卵以歸置於室中後忽風雨若出自室旣霽就視卵破而遺甲存焉後郡人分其卵甲歲時祀奠至今以獲得遺甲爲豪族或陰冥雲霧之夕郡人呼爲雷耕曉視野中果有墾跡有是乃爲嘉祥又時有雷火發於野中每雨霽得黑石或圓或方號雷公墨凡訟者必以雷墨雜常書之爲利人或疾卽掃虛室設酒食鼓吹旛蓋迎雷於數十里外卽歸屠牛彘以祭因置其門鄰里不敢輒入有誤犯者爲唐突大不敬出豬牛以謝之三日又送如初禮又云嘗有雷民因大雷電空中有物豕首鱗身狀甚異民揮刀以斬其物踏地血流道中而震雷益厲其夕凌空而去自後揮刀民居室頻爲天火所災雖逃去輒如故父兄遂擯出乃依山結廬以自處災復隨之因穴崖而居災方止或云其刀尙存雷民圖雷以祀者皆

豕首鱗身也

古記郡人立祠祀之舊在東北五

刺史身後神靈

顯著州人立祠祀之舊在東北五

里英靈村後梁

乾化間夜風飄二梁於英山石神

堂西因徙廟焉

中爲雷祖像東塑石神像西塑漢

李太尉像列爲

三殿置飛來銅鼓三殿旁設侍從

十二軀應十二

方位左右偏圖雷電風雨各司像

及電車雷鼓電

火等物殿後先代祠殿前崇階庭

下砌以石欄欄

上五石人跪焉卽雷祖志所載後

梁開平四年神

所收黎賊孟喜等所化也南漢大

有十三年封靈

震王大寶十三年封靈明昭德王

宋熙寧九年封

威德王紹興三十一年賜廟額曰

顯震乾道三年

封威德昭顯王慶元三年封威德

昭顯廣佑王淳

祐十一年封英靈威德昭顯普濟

王德祐元年改

封英威剛應光化昭德王又贈神

泰定二年易封

英威剛應光化昭德王又贈神之

父爲銀青光祿

大夫母吳氏爲正一品夫人神妃

李氏爲曹祿紀

妃太后明洪武初改封電司神每

歲上元知府具

牲以祭成化十八年知府魏瀚因

廟傾圯重加修

葺建上肅所又建石坊於前匾曰

英山勝境羅璣

爲之記宏治八年太監陳榮擴地

基重建廟宇嘉

靖三十年皇妃杜氏請旨致祭爲

國

修葺增置海北靈祠兩廟門樓拜亭及鐘鼓樓懸
飛來銅鐘於上三十九年海康知縣鮑際明重修
朝順治十年守道陳嘉言重建神座康熙四年知
府陳允忠重建門樓乾隆十九年封宣威
布德之神六十年封康濟宣威布德之神

廟中懸

御賜匾

曰茂時育物知府陸維垣又勒石於府學明倫堂
宋李永年記略環九州山林川谷之神以功血

食載於典章類固不一而雷獨得因神名州其靈
迹偉異廟祀隱然振輝海上舊矣偽漢之世號雷
神爲靈順明正昭德王本朝熙寧九年從郡守請
詔封威德王按圖志與丁丞相謂舊廟本在西南
山岡梁開平中廟隨州徙又二年一夕颶風暴作
宇內失二梁所在舉郡駭異尋訪乃遷於石神之
廟號英楊山耆人知神之意卽地建廟與石神相
並兩師風伯鼓輪電火咸有位序而山形俯視城
社峻峙岑鬱實一郡之望自五代至今廟貌雖稱
徙至是神居妥安又二百三十餘年矣比歲以來
海氣疏達民服稼穡商舶上下風雲平善凡休咎
動息惟神是告靈響益出公私承事益勤而廟以
歲久不治楹棟傾欹像貌剝落醜酒割牲至者歛
望以爲不稱紹興辛未十月前郡守臨川戴公率

顓衆志命縣令朱琬郡進士王倫庀役始大新之前廟後寢重屏周廡官廬像衛品式備具富者獻其地壯者効其力明年七月郡守番禺王公繼至謁款祗肅凡前人意所未至益規度之民大悅十月告成凡用工二萬爲屋九十間森嚴華煥視舊丕變迺書見屬不腆之文俾記其事甚盛舉也戴侯名克仁字希顏黃公勳字元功皆以考績爲二千石云

威化雷州廟嶺表錄異云雷州之西有雷公廟每歲配卒造連鼓雷車置廟內

輿地紀勝

謹按王象之以此廟別爲一條而不詳所在

文昌廟舊在南關外明洪武間遷府治後舊參將署前嘉靖元年提學魏校毀之改建忠義祠

國朝列祀學宮嘉慶七年奉

旨入祀典仍未建祠就雷陽書院行禮

府志

真武廟在南關外寧國坊宋寇準舍芻明萬厯間

修郡人何起龍有記

記不錄

周植考略云天聖

公使人求之得一石卽其地建真武堂建炎間遷天慶觀中由是連歲不登紹興十一年知軍事胡宗道復舊址明景泰間堂圯萬厯元年鄉士黃樸等合衆重修三十二年生員陳瑾鳩金擴基鼎建大堂金飾神像推官高維岳造神龕香亭次年瑾又同舉人何起龍等建坊於大門石勒南合武當四字廟貌煥然瑾復鳩金買田六十畝爲香燈資住僧主之

國朝乾隆五十四年翁忠亮等重修

天后宮在城外韓公橋之北明正統十年知縣胡

文亮修嘉靖元年提學魏校毀之十六年知府林

恕重建萬厯三年知府陳九仞重修十五年守道

王民順巡道許國讚知府周良賓知縣陳錦各修

建前堂後殿耳房門樓復建石於大門內匾曰紫

極承華同知趙佑卿董其事畢曰龍現其上因名

龍應官檢討鄧宗齡記之鄧宗齡記略雷陽故有天妃祠祠去南渡可十

里許天妃於海神最靈諸渡者必走謁祠問吉凶

或中流難起則舟人無恐矣以故瀕海在在置祠而瀾

則神來也舟人無恐矣以故瀕海在在置祠而瀾

洲孤島立起海中沃壤而鄰於珠池亡命嘯聚輒

操大艇闖入剽竊居民載酒牛醢精餉之神見夢

於居民曰若不捕奸而反以佐奸罪浮於奸若不

悛大師且至吾不能爲若庇矣濶洲民惴惴大恐
而監司少參王公民順參軍陳公居仁廉得其狀
謂全粵何賴於撮土而令之延蔓以種禍宜罷之
便乃以事白制府吳公文華請盡罷濶洲稅而徙
其民於內地吳公報可遂遣材官具舳艫載之材
官以告神神欣然從也乃奉其像與父老子弟俱
來悉入郡祠中而堂宇湫隘且就頽圯無以妥神
靈王公乃謀於郡守周公良賓郡丞趙公佑卿郡

倖傳公晏司理鄭公子亨暨海康尹陳公錦益擴
故址撤其舊而新之議成諸公捐金佐費而以趙
公董其役方鳩工庀材擇良舉事而大風猝起海
上波濤人立大木千章逐巨浪至閩南杉木孔良
豐碩諸公相顧動色謂神力也趙公奉令惟謹朝
夕匪懈未幾而就緒王公率官屬謁廟歸停蓋南
樓陳公爲治觴相勞酒數行白雲冉冉起空中則
螭龍挾雲昂首蜿蜒而當前隱見騰翥與波光上
下若翠羽若紫雲若絢錦若璘玢若虹蜺之垂耀
若陽和之映瓊瑤若飛雲之曳旌旗觀者如堵噴
噴稱異謂爲神宮應也
遂匾其額爲龍應宮

國朝順治十年重修乾隆四年二十四年四十六年

先後增修

謹按府志縣志又載附城鄉天后宮凡九處內四處俱嘉慶十五年增修其三

處總督百齡有匾

風神廟在北關外嘉慶十四年知府懷沅重修馬

王廟在南關內愷悌坊嘉慶三年知府陸維垣重

修合祀火神俱同上

龍王廟在西湖舊旌忠祠左嘉慶二十四年知縣

謝邦基改爲準提閣於前庭創建新廟縣冊

忠義孝弟祠在縣學明倫堂右雍正二年建同上

節孝祠在南門內雷陽書院左雍正二年建府志海

康縣附郭首邑俱從府祭

昭忠祠在朝天街關帝廟內嘉慶九年奉

旨建祀陣亡官兵鄉勇門上恭懸

勅建昭忠祠匾額司冊

忠烈王廟在忠顯王廟西前漢伏波將軍路公也

至和中封忠烈王輿地紀勝

威武廟兩漢有二伏波路博德馬援東坡先生作

廟記則以爲兩伏波教授夏侯安雅作廟記又以

爲馬伏波至和中始別立伏波廟

同上

伏波廟在南橋祀西漢邳離侯路博德東漢新息

侯馬援

唐劉禹錫經伏波神祠詩蒙蒙篁竹下有

敬遺像閣世指東流自負霸王略安知恩澤侯鄉

原辭石柱筋力盡炎州一以功名累翻思馬少游

宋紹興四年提刑董弅重修

袁潭記略陰氣復回

渝必騰爲怪崇功茂績久翳則增明其漢伏波路

公之謂乎初武帝有事於匈奴公以右北平太守

從驃騎將軍擣金山以功封邳離侯越王胡有歸

漢之志元鼎四年詔以諫大夫終軍宣辭於南越

公以衛尉將兵屯於桂陽明年以衛尉爲伏波將

軍討呂嘉之叛公自桂陽下涯水與樓船將軍楊

僕會兵俱至番禺越人素聞伏波名於是悉城來

降不煩一陣遂開九郡惜乎太史公不爲立傳其

事則概見於他文固已可惜東漢建武馬公文淵
討女子側貳之亂亦命之曰伏波文淵長驅苦戰
安靖五溪足以繼公無愧公開九郡於其初文淵
破二女於其後其功同其名譽同其有德於遠人
又同則其血食於此方宜其無異也海濱之祠不
載其創立之年後世亦莫知為誰中間嘗請於朝
錫之王爵記事者始以為公俄有以為文淵者其
後有識之士考訂遺跡建別廟以祀公再請於朝
亦命以王爵公於是與文淵並祀紹興四年提點
刑獄公事青社董公弇按行諸部悵然念公祠宇
隘陋獨在一隅不足以侈神靈而昭示無窮思撤
而新之以語知軍州事九江陶公堯夫公乃手為
規畫委兵馬監押開封趙公价董其役以七月
月一日聚工落成於十有二月十有七日

治中太監陳榮參政任穀重修

黃志

旌忠祠在西湖東宋乾興初建

同

寇萊公廟在敬

德門外報恩寺西繫年錄云紹興五年九月名雷

州寇準廟曰旌忠

輿地紀勝

寶慶中知州陳大紀重修

黃志 宋李仲光記略忠以事其上者義也忠而困於讒者命也義者臣子所當爲命者天理之所不可儀度惟其不可儀度故樂天知命者終之周公之於周亦如是而已耳東山之征以身自任義也四國流言朝廷不知命也折破斧缺而赤烏凡几者自若狼薨其尾而德音不瑕者不可變此周公安於義與命也夫以成王之爲君周公之爲臣而猶且不免則忠之爲忠難矣哉忠愍實爲似之澶淵之役公以一身佩天下之安危笑談之頃抗虜吮而晉其背黃旗一舉百萬襁氣公之謀其有功於社稷者恆多末年遭讒去國萬里公知非上意也道出公安剪竹自誓天地鬼神若臨之至今婦人女子走卒下隸皆知公之此心皎如白日然君子之論謂公之所以爲忠者猶可能公之所以全忠者爲難能夫忠於君臣之至情然忠而不遇則憤憤而深則怨怨而激則亂稍近於理者猶有赴水而行吟蹈火而不出遂其身之名陷其君於過爲後世羞求其厄窮而不閔者誠不多見余少時每讀名臣傳竊謂志足以成大功智足以察大勢力足以排大難公之盛德益止於此及分教南來訪諸故老得遺事一二頗詳於舊公至貶所優游閑適每與同僚飲酒賦詩以自娛笑語從容初

不見其欣戚稍暇則尋幽擇勝几一泉一石無遠
不至徜徉容與終日忘返醒而往醉而歸必凝神
適夢與同趣頽然與造物遊而不知其所終窮今
英靈泉無恙也天定勝人丁謂竄斥海上從者將
不利謂公知其謀召之飲博坐於其中以觀勝負
達旦不廢比散而謂去矣夫身雖黜而不怨讐有
間而不報公之意所以尊其君樂其天知其命也
公之在雷遇士以禮下至田夫野老相與唯諾惟
謹及遷衡州未行而薨民間化其德樂其道哀其
忠悼其屈相與出錢而廟祀之祀而廢廢而興今
不一矣郡守陳侯大紀不忍其傾圯也命工葺其
棟宇新其像貌表以廟額翼以重門舊觀既還率
妥靈貺侯之意蓋謂公之進則可以強中國而威
四夷退則可尊君父而規臣子故旌元德垂世範
修廟祀以慰民心焉是亦爲政之大經也 朱折
彥質謁祠詩萊公英特姿談笑安社稷政使不可
赦猶未宜遠斥禍機常在微拂鬚始生隙身危在
功高厠燭謾譏謫哀哉城下盟此語無與直流離
死窮荒志士氣阻塞相望纔幾年兵禍忽如昔鼻
鼾夜如雷斯人那復得禁中繡故書獲見公手蹟
按圖或可至臨岐恍若失空令我輩人濫處獻納
職塌夾海康郡再拜淚盈臆荒祠闕土偶尚憶髭